

陳氏荷華山房詩稿

陳氏荷華山房詩稿卷之十八

高安陳邦瞻德遠著

七言律詩五十六首

送吉甫侄發解北上

公車首應向長安
意氣都亭把酒看
廷對天人驚漢主
家傳禮樂出周官
衣經御苑花香染
劍入仙班雪色寒
定有新詩題應制
好隨泥帖報江干

封中丞楊公挽詩二首

西望台星接少微
俄然萬里失光輝
斗間精氣隨龍化
天上仙人駕鶴歸
林園花餘春樹滿
江山鳥傍暮雲飛
銜恩多少邦人淚
不識真游誤滿衣

其二

曾聞嶺海淨烽烟
爭向靈椿祝大年
總爲漢廷司馬法
元從圯上老人傳
丹成肯住人間世
羽化終歸上界天
但使雲臺思水木
便看馬鬣象祁連

馮太史母夫人貞壽

侍臣家住帝城傍，紫禁承恩近北堂。
問寢朝衣趨曉幄，開筵宮酒入霞觴。
歌曾辭侶聞黃鵠，曲有將雛是鳳凰。
試看庭堦珠樹影，至今猶自帶冰霜。

寄壽陳太翁石潭先生

芝城歸臥幾春秋，舊德爭傳陳大丘。
履道衣冠人自古，桃源花樹地全幽。
猶聞丹詔褒循吏，賸有青山隱故侯。
我羨龍鸞拜床下，空從天末

想風流

將出署中書感

幾年來往不嫌頻
乍可留連又見春
省署跡深因宦拙
湖山興好得詩新
啼鶯細細能憐客
垂柳依依解送人
此去長干花月夜
多應夢破爲愴神

春莫書感

傷春無語獨悽然
病裏流光倍可憐
閉戶愁深寒食雨
登樓淚盡落花天
轉因輕薄悲人事
不

獨繁華惜少年稍喜甕頭新酒熟徑須沉醉日
高眠

春莫里居聞有除書未報

桃李飄零委路岐前林無奈鳥聲悲但驚春色
故園暮莫問除書上國遲五斗生涯妻子笑百
年事業髮毛知江湖自恨同心少採得蘋花欲
寄誰

朱諧卿侍御過訪王槐亭食憲時值溪流
新漲遂爲泛舟之遊以書見招不及赴作

此志之

高齋元傍白雲幽帶屋溪山四望周尊酒故人
成雅會扁舟新水恣奇遊風前解纜疑飛鷁沙
際迴橈不動鷗獨恨無緣陪李郭空能逸興滿
滄洲

次日赴約同二丈歡談竟日至夜分始寢
復有此述

經年江國望歸鴻復喜升堂一笑同剡曲移舟
無盡興南州下榻自高風千村日落銜杯後五

夜燈明細語中共識朋簪盍非偶人生岐路易

西東

偶得邸報聞故人葉思梅太守之訃悵然

有作

粵徼蒼茫萬里天故人爲別夢初縣那知飛旆
回車地便是褰帷出牧年客淚全家深瘴雨孤
魂遙夜度蠻烟漫思往事重回首湖月鐘雲盡
惘然

自山居入城途中野興

青山迥合白雲平穿樹臨流信野程水暖鳬雛
爭戲翼雨晴鳩婦有歡聲幾思種秫投農社豈
爲脩琴入縣城冠蓋逢迎仍不少欲從何處詒
幽盟

郡城晤胡澹源刺史酒間出示新詩仍訂
遊黃蘗別後有寄

杯酒都亭舊送君江城重喜得論文乍因絕調
驚流水幾爲佳人悵碧雲憔悴共憐霜鬢短留
連自愛醉顏醺秋山蘭若堪乘興莫恠臨岐手

易分

首夏卽事

野澗平橋亂碧流
雲林隱隱綠陰稠
山村薄霧蒸梅雨
水閣餘寒戀麥秋
晝靜風簷低乳燕
天開晴樹散啼鳩
平生賸有郊居興
作賦何當繼沈侯

夏日村居四首

梧風頻送北窗涼
隱几渾忘夏景長
水上親人魚鳥近
山中遶舍薜蘿蒼
陶潛幽獨荒松逕
杜

甫飄零寄草堂此日巢居未岑寂綠陰無數媚
林塘

其二

幽棲長夏愛吾廬漸覺窮山與世疎松菊未營
三畝宅蓬蒿常對一床書陰移砌竹迎風後涼
入盆荷過雨初嬾病經年無著述此生端已負
閒居

其三

野服無人識吏曹家山隨意步周遭日長籬落

深煙火雨足原疇罷桔槔
碧藻波晴樵碧濤
苗香煖接青臯自來農圃
閑幽事莫向玄都問
種桃

其四

僻處幽探興不闌獨慙心跡負盤桓
青山結伴非真隱盡省爲郎久素飡
世路雲霄多阻絕生涯田里亦艱難
微吟獨有無窮意叢桂蕭蕭且自看

雨望

北風吹雨過前山漠漠川原煙霧間急響翻盆
初歷亂寒聲赴壑忽潺湲天圍罨畫看如夢地
入滄洲意自閒向夕羣飛空際沒恍疑石燕拂
雲還

寄訊劉長君汝防居廬三首汝防座師喜
聞故太史子也

錦城泣別已茫然爾臥寒苦今幾年荒邈魂銷
春雨後遺書淚盡夜燈前江波鳥下青螺莫洲
草天迷白鷺烟何限相思回首意千山無處不

啼鵲

其二

當年真氣散鑒坡飛旒遙隨易水過萬里寒雲
岐路慘五湖愁色莫潮多門人幾地哀霜笛公
子三秋廢蓼我一望南天腸欲斷從來當哭是
悲歌

其三

與君相望重傷魂素業應從病裡論風雨三春
經伏枕蓬蒿長夏幾窺園樞衣尚憶趨玄室爵

酒何當隔寢門見說夜臺佳氣近夢中吹淚入
高原

答魏甫宗侯

木葉初飛錦水波美人迢遞阻江沱天清南浦
秋偏早月滿西園賦獨多雙劍尚隨龍氣遠尺
書先傍雁聲過欲知遙夜相思意長指明星墜
絳河

答佳甫宗侯

小山桂樹又逢秋帝子懷人動遠愁賦就彩雲

生盡棟書來寒色滿滄洲鳥歸莫嶺霞齊落天
人澄湖月並流百里相望空極目幾時飛蓋好
同遊

答斗齋宗侯

章濱春水憶停橈高閣難逢置酒招詩思已隨
芳草歇客心猶傍莫山遙天風尺素吹霄漢夜
色明珠破寂寥邂逅定期秋未晚月中乘興賦
觀潮

答應齋宗侯

南國懷人寄四愁詩簡何事有沉浮那知苑內
芙蓉夕尚憶山中薜荔秋流水入絃空自識玄
珠在握若爲斟酌觀濤賦雪俱奇約況是相如未
倦遊

答息齋宗侯

南州一雁下秋風朱邸新題字字工遠水微波
吹木葉碧雲初合映晴空千家蟋蟀寒心裡百
里蒹葭望眼中迢遞可憐明月夜尊前授簡與
誰同

自留曹棒檄里居遂拜叅藩浙中之命有
述

春明遙別夢空懸南國卽潛有歲年獨幸依親
私燕喜敢知薄宦濫鶯遷宋京舊識湖山壯漢
陞頻沾雨露偏最是聖明求瘼切不才何以
佐旬宣

途中感雨再賦

雨色蒼茫曉色微鷄聲遙聽出茅扉村煙滯濕
迷春樹山霧吹嵐染客衣青髮頻年凋道路白

雲幾處望庭闈相看美爾忘機鳥水際沙頭自在飛

太平署中阻雨疊壁間韻

雨途迢遞滯孤城回首河橋恨未平幾向別離空自老可憐奔走竟何成萬家煙樹迷春色千里鄉關感客情欲向高原窮遠目莫山愁見白雲橫

道中詠雪

一壘溪流覆白蘋山光積素轉嶙峋高樓映曉

還疑月野樹飛花總是春萬里關河天似水三
千世界色爲銀平生大有梁園興此日江南賦
更新

至涇邑邑人談舊尹陳使君不置口使君
者友人駕部赤石也時方請假歸省因有
末句

涇上逢人說使君昔年爲政似南薰天邊鳥影
今難望花裏絃歌尚可聞百里桑麻爭長茂萬
家春樹總氤氲綵衣爲報趨庭近真氣東來爾

自分

雪中度暈嶺

萬山疊翠鬱岩崑空際孤峯望轉遙雪曉光浮
天姥月霞蒸氣湧赤城標丹梯掛壁雲天矯絳
樹凌霄日動搖欲問仙人騎鶴處如聞縹緲過
笙簫

雨中登白岳同程大學均卿賦

靈岩縹緲白雲齊此日乘雲得並躋鳥道斜窺
驚石棧天門忽度訝丹梯風迴洞壑笙璫細膜

入樓臺香霧低自是真遊如夢寐非關煙雨向
人迷

詰朝雨霽四望山色益奇然已不可留矣
賦此志別

靈山一宿夢魂清佳氣連空快曉晴帝女鬟邊
煙霧歛仙人掌上露華明雪殘秀映珠簾色雨
後寒添玉澗聲歸路不堪回首處却從人世望
曾城

自祁門上小舟往浮梁途中卽事

風雨山程倦客騶輕舸聊復傍沙鷗寒煙夾岸
籠春樹新水前灘急莫流雲碓有聲湍瀨轉石
崖無路薜蘿幽平生野興偏難盡雪夜回橈笑
子猷

鄱陽道中

鄉關纔度客愁輕百里湖天入望平
千越路邊人去少弋陽溪口鳥飛明
野航頻上添新水村樹遙開帶晚晴
惆悵官亭楊柳色依依迎送不勝情

南浦驛對月

千里鶯啼送客程
星輶早是豫章城
正憐故國逢春色
况喜晴霄對月明
虛館光浮偏潏灩
高城影落倍淒清
由來南浦多離思
肯信歸人此夜情

訪陳司封蠡源年丈別後有寄

春莫章門雨雪寒
故人高臥似袁安
相逢共說爲郎久
揮手猶嗟行路難
問字寂寥誰載酒
題書珍重獨加餐
從來薪積非君恨
早晚須彈貢

氏冠

渡章江

章門春水欲浮天
歸客扁舟興渺然
孤岸忽隨芳草遠
片帆如傍白雲懸
山光杳靄含微雨
樹色蒼茫散曉煙
不盡中流回首意
故鄉風物總堪憐

余與湯海若先生相慕數十年始得邂逅
豫章移時別去却寄

南浦逢君春草芳
章門回首白雲長
可憐遊子

悲岐路空憶佳人在上方
雨聲此夕思禪榻月色他年夢屋梁
妒殺問奇門下客幾人相對坐
銜觴

臨城不二寺曉發

蕭條古剎掛城頭落日鐘鳴客倦投
松逕乍開旛影靜竹房深閉雨聲幽
寒燈照壁移孤榻曙色窺窗促去騶
浪跡禪心同不住山僧何事欲相留

途中春莫感懷

芳菲纔見物華新
勝賞豪吟更幾巡
風雨連遭江館夜
鶯花又送故園春
山中招隱悲芳草
江上懷人怨白蘋
愛惜流光堪一醉
尊前何事欲沾巾

桐江奉別曾見翁大宰歸途有作

桐江遙識鄭公鄉
綠野還升晉國堂
不獨尚書期可顧
自言國士意難忘
雲霄未覺千峯迥
煙水原通一派長
從此階除頻偕尺
德瞻欣對魯靈光

舟自桐江抵瀟灘仍宿不二寺

春水扁舟興未窮
桐江歸棹又乘風
帆飛玉峽寒雲外
鳥度瀟川暮雨中
漁岸遠愁千樹暗
佛堂重對一燈紅
莫將桑下疑三宿
回首煙波夢已空

豐城道中值雨

鄉關回望白雲深
風雨那堪更滯淫
古路欲隨新水沒
人家多傍午煙沈
平生奔走成何事
萬里驅馳負此心
莫向匣中看寶劍
斗邊龍氣正

侵尋

池陽道上望齊山用杜韻

中峯初見白雲飛，遠岫還看度鳥微。
石磴欲緣難可上，香臺如到定忘歸。
寒光入洞含真氣，翠色浮空染曙暉。
不盡前程回首處，飛來煙霧襲人衣。

初抵白門送董葆元文選北上

征途來往惜流年，却聽驪歌倍黯然。
旅思未隨芳草歇，離心已傍暮雲縣。
鐘聲長樂宮前月，花

色玄都觀裡煙此去知君饒麗藻賦成應寄帝
京篇

孫大翁壽卷侍御拱陽繕部王陽之尊人
嘗仕州縣自投劾歸里

解綬歸來自結廬大行山近白雲居家傳經術
河汾後人似耆英洛社餘令子雙承天上詔真
仙親授枕中書清時無事宜行樂不共非熊載
後車

送趙泰石光祿奉箋入 賀二首

春明已是十年違，共惜風流上國稀。
卿月還隨新使節，御煙應惹舊朝衣。
禁鐘五夜聞長樂，仙仗平明侍紫微。
見說承華饒氣色，知君拜舞有光輝。

其二

秋颼欲動石頭城，送客愁聞班馬鳴。
江上蒹葭猶曙色，天邊煙樹已離情。
西京文藻推才子，南國風流況列卿。
此去壯遊誰得似，空將魂夢逐仙旌。

張叻銘廷尉尊人九十一翁壽詩翁嘗以
明經貢禮部不赴

先生避世謝浮榮令子承家起大名鄭氏應題
通德里漢廷元重濟南生獨於熙代推人瑞况
喜斯文寄老成此日五羊占王氣偏隨夜月繞
長庚

陳思岡給諫以言事解官歸里賦贈

石城搖落感秋陰送客西征淚滿襟海內幾人
關出處百年吾道寄浮沉星霜易入憂時鬢日

月常懸報 主心此去還山應抱膝從來梁父
足悲吟

得湯義仍書却寄時所居官舍卽義仍大
常故宅因有末句

江上秋風落木驚懷人江閣重含情清時詞賦
誰先達鄉里衣冠自大名南國舊遊芳草歇楚
天遙望莫山平可知吏隱棲遲處長似清齋對
月明

送鄒汝新落解歸里

西征此日問何如秋色蕭條望故居
楚國題珍人盡誤齊廷工瑟計全疎
風生江路蘆花細月上湖天雁影虛
賦罷河東休嘆息雲霄定見有吹噓

送馮念雲太守之滇南

離亭杯酒話天涯此去奇遊萬里賒
關索煙雲高倚劍昆明星月轉浮槎
夷歌落日連村鼓春色梅花入戍笳
五馬經行奇絕處他年應作畫圖誇

陳氏荷華山房詩稿卷之十八終

陳氏荷華山房詩稿卷之十九

高安陳邦瞻德遠著

七言律詩五十二首

敖城晤喻明府正字話舊賦

梁月依依夢幾縣相逢共詫髮非玄
論心燈火三更後回首風塵十載前
南國薜蘿愁未歇北山松桂興誰偏
多君不羨王喬鳥解組歸來信自仙

敖邑山行卽事

濤奔石勢壓龍從知是隆中是硤中樹作蛟虬
爭攫霧山爲劍槩欲攢空縣崖半逐藤蘿沒曲
磴還從箭栝通刻却羊腸平似掌人間何處有
愚公

往安成訪座師劉太史之葬誤道敖邑山
行不能達歸宿古剎悵然有作

石盤無路亂山稠峭壁攢空咫尺愁風動莫林
嗥虎豹雲深古木叫鉤輅傷心掛劍慙吳札盡
興迴撓學子猷多少燈前懷舊淚應憑飛夢落

西州

大觀樓爲田令君賦

高樓新築錦城傍，應爲登臨一下堂。
山色浮空開碧落，江流入霧似瀟湘。
風前滴翠鉤簾近，雨後飛濤俯檻長。
莫以仲宣能作賦，彩毫爭識令公香。

舟泊長樂岡以灘淺未下曉謁仙祠

錦濱煙樹莫重遮，十里離人早憶家。
山色蒼茫雲影亂，江空迢遞雁行斜。
秋河欲澹天如水，夜

氣初澄月在沙總爲仙臺宜引眺不應霄漢滯
星槎

瑞河舟次述感

方舟信宿逗江干唱罷陽關入路難黃葉下時
迷別浦白雲飛處接前灘人煙依樹愁殘日水
氣侵櫓覺早寒客思鄉心渾欲絕一杯醺醪若
爲歡

章江久泊書懷

章濱濁浪逗征槎城角悲風咽暮笳反照千家

運去雁寒煙幾樹帶歸鴉淹留翻覺鄉心減搖
落偏令旅恨除總爲烟波愁欲絕自憐薄宦向
天涯

桂文襄公里

當年奮起獨攀鱗總爲周官禮樂新抗疏偏能
諧聖主危言不憚觸朝紳尚書劍履聲誰識
相國園亭草自春魚水應知天意在漫譏曲學
似平津

過草萍

江浙之界

兩地關河望總長
楚雲越樹並蒼茫
宦遊獨喜仍將母
岐路那能不憶鄉
意氣憑誰矜攬轡
風流端自減爲郎
更須窮遍東南美
彩筆仍生畫省香

七里瀨謁子陵祠登釣臺絕頂

青山懷古訪遺宮
幽興憑高漱未窮
曲徑斜穿蒼靄外
孤亭遙俯白雲中
振衣乍動千崖色
長嘯應呼萬壑風
不信塵埃淹作客
條然天際想冥鴻

金華曉發

金華山北洞天幽，惆悵星輶未可留。
白石應隨丹鼎化，朝雲誰伴赤松遊。
霜飛盡角寒聲切，日湧靈巖宿霧收。
萬疊芙蓉爭入眼，他年空得夢魂愁。

江心寺

文丞相入廣求二王曾經其處今有祠

戈船簇擁送登臺，四面波光海國開。
塔勢欲排飛鷲上山形，如戴巨鰲來斗城。
莫角梅花落沙嶼，寒潮雪浪堆。
漫向厓門傷往事，貝宮琳館好。

街杯

仙都二首

鼎湖龍去有誰攀
南國神遊縹緲間
洞啟扶桑初日曙
壇餘瑤草四時斑
侍臣墮霧留弓劍
宮女懸鸞響佩環
却笑仙才秦漢少
空從海外覓三山

其二

綵雲遙望數峯齊
巖谷縈迴夾路蹊
澗瀉寒流清見底
石撐孤壁迥無梯
人天疑作三生夢
具

野真同七聖迷鶴駕鳳笙何處問藍輿歸去莫
損啼

閱武

和門祭戟遶寒光壯士聞鷄候曉霜
檣劍軍威嚴細柳鳴弓獵氣動長楊
風高鼓角城千雉氣淨鯨鯢海一方
漫道勲名誇下瀨請纓堪係日南王

西湖觀雪

武林飛雪似梁臺授簡誰當作賦才
萬樹總疑

花霧滿千門長對月明開
瞳隴城闕天光近縹緲湖
山海氣來乘興便應忘去
住夜船非學子猷迴

嚴州公署雪夜

高齋積雪動黃昏爲惜瑤華重倚門
池畔雲來還有影枝頭月上更無痕
山河曙色連千里庭榭寒暉自一尊
惆悵狐城嚴夜柝不堪乘興訪江村

讀嚴州志口占

吳根勝艷信奇哉繡嶺崔嵬練峽開况有西湖
同聖水更看平地出天台漁磯不改狂奴跡燕
寢曾題小范才千古風流如昨日青編讀罷重
徘徊

歲莫書懷二首

寓嚴州作

歲盡江城客未還空庭吏散上重關雁聲忽斷
寒雲外鴉點猶殘落照間官酒乍空難盡興家
書頻至得開顏平生薄有周南感慙愧清朝鶚
鷺班

其二

蕭瑟高齋起莫寒客愁無緒重漫漫韶顏不共
春風轉短髮偏隨臘色殘牢落羞看雙劍在蹉
跎深信一官難最憐十口同爲客依舊雲山兩
地看

戊申元日試筆

天仗廷嚴啟曙扃朝元禮數學神京日催淑氣
衝魚鑰風送和聲瀉鳳笙彩服庭闈遲燕喜朱
幡郡國有巡行十年通籍慙無補何限屠蕪醒

後情

答寄松崖宗侯

白下分携惜斷蓬，武林回首嘆春鴻。
遙知帝子憑高閣，正想真人御遠風。
門下吹竽音豈濫，尊前授簡興誰工。
愁心不共關河盡，芳草萋迷落照紅。

登明遠樓作以校文至是日微雨

河山四顧擁南條，高閣憑欄切絳霄。
曙色忽飛天目雨，風聲初上海門潮。
夾城桃李春陰滿，千

星蕊蘆氣象饒漫道交星煙霧裡漸看斗柄向
人遙

送饒崑園大叅之懷慶

湖亭杯酒送征輶不盡離情寄柳條潮際白雲
橫海嶠鴉邊落照帶河橋文星南斗宵偏迥紫
氣中原望獨遙想得寒帷回首處覃懷春樹滿
煙霄

送李我存年兄補官北上

杯酒重尋十載歡征輶那復向長安愁邊湖嶠

昏煙合夢裏蘆溝曉月寒龍氣久從霄漢滿羊
腸總入世途難亦知邂逅朋簪在看爾新彈貢
禹冠

送劉茂成憲副入賀

武林迢遞夏雲過送客離心斷水沲曙色吳臺
催放棹寒星帝里待鳴珂仙郎舊草煙霄迥
使者新恩雨露多獨有南天遙極目頻將絳節
想明河

荅汪肇邵見懷二首時吳越大水故詩意

及之

白門已隔一年春長憶林間把臂人煙樹登樓
難極目湖山對酒易傷神喜當魚素浮江至况
有驪珠入夜新欲識汪倫情不淺桃花流水正
盈津

其二

詞場當日嘆離羣去擁朱轡學使君吳越地形
虛壯麗東南時事漸紛紜愁深水國逢恒雨目
極天涯起暮雲欲寄新來潮上曲竹枝悲怨不

堪聞

戴屏山先生輓詩比部鎮朴尊人

驅車空望鄭公鄉
靈壽無緣對孔光
千載風流懷下榻
十年雲樹阻升堂
衣冠舊社憑誰識
松菊閑園應未荒
自嘆此生虛問道
欲將遺業訪青箱

寄胡澹原

武林秋氣滿登臺
憶爾風流作賦才
黃葉遠辭江樹落
白雲長對海天開
鴻聲客夜思千里
月

陳氏荷華山房詩集卷之二十九
九
色家山夢幾迴同調可能憐拙宦應知騎省二
毛哀

秋日登六和塔

飛塔峻層聳碧空七盤長壓海濤雄
窻間香霧迷堦外晴山滿
浙東城闕疑縣星漢表帆
檣爭入畫圖中
鳳凰臺北休回首禾黍千秋是
故宮

皂林書感故河朔將宗禮戰沒處

當年此地憶橫戈
破虜誰憐馬伏波
殺氣久連

滄海盡愁雲猶結皂林多孤城寂寂臨煙岸遺
廟蕭蕭傍水沱此際滄夷仍滿眼傷心無意聽
漁歌

自錢塘放舟乘月夜行遂達富陽有述
出郭已知塵事少臨流况作放舟行江山到處
疑圖畫雲水何年變姓名漁浦煙銷寒樹出海
門風過晚潮平片帆夜半忘南北一曲滄浪自
月明

再至嚴陵公署書感

青春別署嘆棲遲歲莫重來祇自悲風送哀鴻
搔首處雨催落葉獨醒時道途奔走慙疆吏雲
水蒼茫感櫟師莫怪元龍豪欲盡那堪樗散髮
如絲

嚴陵南高峯同鄭心葵使君賦

遙凌飛塔俯層丘回看孤城抱古洲山色初經
寒雨淨溪光宜帶夕陽幽琳宮月上疑無夜碧
樹雲來總未秋欲把嚴陵同谷口今朝得並子
真遊

試士學宮漫述

儒宮旭影八磚前
彩筆凌兢向曉天
暫假春風施絳帳
好憑流水奏朱絃
從來魯國多文學
况有宗之美少年
却笑新粧爭點黛
雙蛾深淺幾堪憐

署中歲莫言懷四首

浮沉南國舊爲郎
更領銅符海一方
五畝未能忘去住
二毛空自愧行藏
總緣薄祿成留滯
豈有雄心解陸梁
笑殺杜陵憔悴客
許身何事太

疎狂

其二

江城爲吏歲將闌
長憶詩人詠伐檀
自愧俸錢無補報
况逢時事有艱難
訟庭晝寂析楊罷
微道宵嚴刁斗寒
稍喜近來狐鼠息
高齋退食得盤桓

其三

萬里長安北望遙
喜聞封事滿雲霄
欲將藥石扶元氣
定有忠良答聖朝
風掃玄陰清朔漠

春隨膏雨滿漁樵心知此事紆
皇念頻向中
宵禮斗杓

其四

官舍蕭條對積陰滿庭煙樹似中林長懷丘壑
慙通隱自失雲霄易陸沉雁影河山天共迥雨
聲鐘漏夜俱深濁醪未必關吾事醒後誰憐歲
暮心

崇德舟夜

寒夜扁舟逗水涯客愁無寐燭光斜風聲斷岸

吹蘆管雪色前村起
荻花薄宦侵尋傷齒髮
征途容易老年華
憑誰解得滄洲趣
煙霧冥冥有釣槎

送伯容七丈以明經試北上

少年作賦似相如
白首何人薦子虛
久向名山藏副墨
偶從公府應徵書
喜聞泛雪無迴棹
愁見衝泥有去車
柳色鶯聲前路滿
春風得意漫躊躇

急雨

連峯煙霧壓崔嵬急雨盆翻屋瓦摧飛瀑爭懸
廬嶽布怒濤乍吼海門雷卽防猷猷還爲壑欲
指江湖盡作杯我自愁吟似張協不煩蜻蛚助
悲哀

客冬從心葵鄭使君行部嚴城頗恣湖山
之賞茲來愁霖酷暑盡掃夙興夜坐愴懷
因呈短什

山城暑雨嘆蹉跎結駟虛從長者過俗事能令
長日短幽尋翻怪去年多逢萌未遂掛冠去杜

甫其如束帶何稍喜夕涼宜獨立虫聲無奈在
庭莎

送張魯叟西歸

湖上涼風動客衣江頭孤棹送將歸西陵月落
潮初上南浦秋高葉欲稀千里河山供麗藻十
年雲水獨忘機因君西笑饒鄉思轉覺人間薄
宦非

貢院聽雨東吳本如憲長

朔氣初驚萬里遙江南殘暑欲全銷魚龍正拔

風前浪雷雨還驅海上潮肯向秋堂悲蟋蟀喜
聞天路有扶搖宵深應作對床語不假尊壘破
寂寥

入院後頻日雨甚意緒索然見諸生踉蹌
入試頗壯之因占

海國秋清氣已高何來風雨重蕭騷桂宮夜色
沉銀漢棘院寒聲瀉碧濤背水淮陰功更倍衝
泥杜甫興難豪漫將賈勇誇年少坐對愁霖感
二毛

試夜稍霽志喜

高樓鼓角漸淒清
斷續重簷過雨聲
秋色未隨愁霧沒
文星終傍夜燈明
凌雲彩筆花爭吐
犯斗仙槎浪欲平
莫訝煙濤生几席
渾疑身世在蓬瀛

試院曉霽偶中寒作惡漫述

禽聲屋角弄新晴
秋氣偏從畫省清
青桂繁枝棲露淨
紫薇高樹鬪霞明
愁吟幸自殊張協
善病何緣似馬卿
山色湖光門外滿
祇應搖落欲

傷情

千秋節遙祝恭述

銅龍遙闕曙光寒
王氣應從紫禁看
露淨鸞旂開玉殿
風清鶴蓋度金鑾
封章總爲元良重
賓客宜承博望歡
何限遠臣紆望切
香臺禮罷憶長安

萬壽遙祝次韻本如憲長

明光玉几五雲邊
萬里嵩呼動遠天
祝罷華封心倍切
憂深杞國事堪憐
絳霄幾見輕陰捲

溫樹誰窺曉露消宣室似聞開獻納期君前席
在新年

出武林之日諸鄉紳文學出錢江干俱依
依難別莫泊錢塘江有作

雙峯夕照逗前旌別酒紅亭緩鳥聲幸免邑人
推謝令豈因國士感侯生桃花寂寂連湖水柳
色青青似渭城欲掛征帆重回首天高潮落總
傷情

陳氏荷華山房詩稿卷之十九終

陳氏荷華山房詩稿卷之二十

高安陳邦瞻德遠著

七言律詩七十一首

辛寅元日偕監司諸老樓集分韻得長字
二首

春城軒蓋集鵷行
况是登臨與並長
畫戟初迎紅日轉
雕欄疑接絳雲翔
人殊飄梗悲王粲
地近還珠憶孟嘗
縱是屠蘓能後到
不辭痛飲學疎狂

其二

高樓四眺海天長，劍氣憑陵近斗傍。
萬里風聲生倚檻，三朝花色照銜觴。
釣龍臺畔山河古，浴鳳池頭草木香。
更喜浮雲收直北，遙知帝日麗明光。

春日登平遠臺，志感有徐觀察子與詩刻。
戚大將軍紀功石俱剝落，不可讀。

河山萬古入蒿萊，海國風煙幾處開。
地歷秦周曾裂鼎，天連甌越一登臺。
將軍空勒燕然績，詞

客還餘峴首哀非土未須重感慨莫雲春樹無
銜杯

烏石山亭春望

凭欄春色欲全收萬井煙花日共浮雲際山如
丹鷺落天邊水抱白虹流香臺乍隔人間世方
丈遙窺海上洲却笑周南羈漢史但從吳楚紀
奇遊

春日登北城樓作樓在故越王山

越王山出白雲間樓櫓凌空尚可攀故殿春餘

芳草在荒臺鳥向夕陽還千年割據事俱往杯
酒登臨興自閒日極楚天煙樹杳欲從何處望
鄉關

元夜偕監司諸老集闔署

帥府張燈綺席開千門夜色正徘徊斗沉銀漢
杓初轉漏永銅壺箭未催海內賓朋堪把袂天
涯歲月莫停杯已知落葉驚華事不羨傳柑漢
殿迴

送喻叔虞入閩西還

三山春色共裴徊愛爾風流作賦才客思未墜
芳草歇鄉心忽逐去鴻哀論詩擬結他年社憶
別還登何處臺莫道歸帆能興盡浦雲江月好
銜杯

寄懷樊致虛

西湖烟水六橋平花裏絃歌不世情鷺嶺雲迎
官舍起龍宮月出縣樓明故人白髮綈袍在仙
令青春美錦成經術漢廷原第一徵書遙下鳳
凰城

送管五陵憲副視師海上

銅符新領伏波軍，長嘯遙知淨海氛。
列校雲屯麾下盛，侍臣風采殿中聞。
吹簫月滿南樓色，按劍星搖北斗文。
春草離亭愁對酒，自憐豪氣不如君。

送施總戎雲石視師海上

帳前雲擁綠沉槍，緩帶臨戎海一方。
風送潮聲清鼓角，天低烟樹引帆樯。
霓旌晝捲迴銅柱，露布星馳入建章。
閒却長纓何事請，轅門新繫日

南王

送甘宮亭憲副入賀

春明門外早鴻飛，使者乘秋入帝畿。
月白鐘聲長樂曉，霜清柳色御河稀。
趨朝劍佩聯

冊陛，賜宴笙歌近紫薇。
曾是玉皇香案吏，彤雲偏映舊宮衣。

送胡璞完少叅入賀

紅亭送客夏雲飛，六傳皇華興不違。
金鏡欲持丹陛獻，玉珂先向里門歸。
庭闈花擁潘輿色，闔

闔星連漢節輝正是輕陰天北盡西山曉月滿
朝衣

送管五陵憲使量移東歸

離亭杯酒落花餘愁見南冠有去車道上舊高
驄馬步篋中誰辨樂羊書漢恩預識深前席楚
賦無勞嘆卜居珍重加餐憑尺素從今消息是
雙魚

寄懷蘓石水憲副

美人何事在山阿風雨經年長薜蘿青案題書

心自絕玄亭載酒客誰過
夢回芳草懷南浦
愁落寒潮對女螺
平遠高臺堪極目
無如突兀夏雲多

太華林戶部以二律見貽兼承惠先集奉
答

才子風流舊握蘭
當年誰不讓彈冠
三台家近同韋曲
五字名高似建安
仙校早辭朱紱貴
故山偏愛白雲寒
非干叢桂能招隱
海上瑤華正未闌

其二

初從巷陌認烏衣聞道高齋正息機舊德貞元
朝士在新詩郢里和人稀豈因驚座名堪藉獨
有升堂願不違况是故家饒秘草青箱未惜借
光輝

吳方伯本如寄佳韻見懷奉答二首

自從越徼罷聞鶯空向閩山問雁征游子夢魂
傷遠道美人尺素重離情湖邊煙水愁孤嶼海
上雲霞隔玉城想得風流賓佐滿南樓月對紫

薇明

其二

東望層關感舊遊
巖煙峽樹總生愁
正憐河朔方消暑
遙憶湖山已入秋
天濶難飛千里鳥
潮平好放六橋舟
傷心更似沅湘客
欲採蘋花不自由

寄贈衛淇竹中丞赴任南司馬二首

江城節鉞近雲霄
坐鎮爭知氣象饒
城闕春聲傳鼓角
湖山生計樂漁樵
何來南浦哀鴻切
總

爲章門去鵲遙多少扶携空載路紅亭柳色自
蕭蕭

其二

陪京冠蓋日爲羣龍氣還占度斗分尚父新成
司馬法漢家舊列羽林軍秋清淮水千門月天
近長安五色雲卽看履聲闐闐動持籌常奉
聖明君

荅贈謝水部在杭二首

一時詞彥播芳芬謝眺風流更不羣興比向平

輕五岳業同楚史擅三墳篋中亡草無遺字壁
裡藏書盡古文萬里闕天佳氣滿總因賦筆日
凌雲

其二

憶爾含香侍從年同時鵬鷺許誰先東方何事
能沉陸楊子由來欲尚玄奉使遠遲蒼玉佩尋
仙新賦白雲篇秋光乍慙收南斗似避文星海
上縣

寄懷省堂先生舊寅長一律

故人牢落總堪憐憶別長干已十年老大自應
悲馬齒飛騰那復羨鳶肩寒心夜入梧桐雨客
夢秋迷橘柚煙漫道三山成悵望鬱孤臺畔共
嬋娟

謝曰可年丈人閩見過有贈賦此奉荅

西湖一曲總離情華髮相逢海上城歲晏關河
俱暮色天高鴻雁更寒聲藏書欲遍尋山跡杭
疏還傳去國名賈誼只今異年少漢家前席早
分榮

署中聞家祠新成有述奉荅涖虛翁丈

佳氣氤氲接杏梁
峩新築對龍崗
故家原自依喬木
考室還應學肯堂
香火歲時嚴伏臘
雲仍次第集簪裳
誰憐遊子疏時薦
空把詩篇詠載嘗

錢比部王虹恤刑闕中竣事還有贈

漢殿才名視草餘
重勞海國問爰書
法平不假焚梁牘
主聖偏聞泣禹車
曉雨關河回使節
秋風閭闔引朝裾
多情最是三山月
好爲仙郎

照直廬

石楚陽大叅自田間起視海篆入閩有贈
漢殿遙聞出虎符徵書一日向江湖總因疆直
歌朱季況有威名似郅都倚劍星連南斗動開
尊月照越臺孤欲知不盡澄清意萬里波聲到
海無

董崇相自吏部予告歸闕邂逅烏石山房
握手論舊併及時事感慨者久之爲賦二
首山房故崇相讀書處

新亭雪涕悵離羣尚憶江臯雁
驟聞携手南來驚白髮傷心北
望見浮雲洛城桃李春將晚楚
畹蘭蓀遠自芬醉裏尊前深細
語多情不獨爲論文

其二

讀書臺畔白雲深金地無塵美
午陰澗竇泉生疑聽雨林巒風
度忽鳴禽題才正有種桃咏謝
病還爲採藥吟岐路故人宜痛
飲漫如賈傳動沾襟

送趙竹淇都閩奉 萬壽表入 賀

弓刀陌上擁征輶
宛馬長嘶鑿落驕
劍氣欲橫明月塞
佩聲更逐紫宸朝
關河曙色催霜角
岐路離情寄柳條
三十登壇人莫羨
勲名肯讓霍嫖姚

甘宮亭大叅之辰有贈

才子曾將漢柱題
雄名早已重金閨
不聞度履歸三殿
更遣揚帆度五谿
薄宦幾年身尚遠
故人何處手重携
多情獨是關山月
遙夜同君楚

水西

涂君印玄自豫章見訪遂知吉州謁南臯
鄒先生賦此爲贈

華髮豪遊氣轉雄
泠然何處衆乘風
曾依祇樹青蓮座
更逐仙人白兔公
九塞降煙孤劍外
千山雲水一瓢中
吹噓此去逢鄒律
憶爾談天碣石宮

宮亭甘大叅輓詩二首

三山道上嘆離羣
幾處愁心結暮雲
祇訝謫仙

長落魄那知才子遽修文一辭禁闥天空遠纔
對薇花日已曛此際關情非感笛西風吹淚自
繽紛

其二

東觀讐經夜火縣西臺簪筆五雲邊名高襍被
辭朝日官起塞帷出牧年劍氣忽沉南斗色客
星虛動五陵天總緣厭世真遊早好在乘鸞美
紫煙

歲暮村居雨夜書懷

歲晚蕭條早閉門
鐘聲古廟報黃昏
煙低鳥度
廳中樹雨暝人空
山下村長夜
疎燈愁對影
餘生多病欲招魂
誰知背壁沉吟處
往事重尋不可論

朱諧卿廷尉過訪全至妙真宮久之始別
獨宿城館夜賦

偶隨劍履度遙岑
分手琳宮日易陰
面壁自憐孤客影
對床猶負故人心
麗譙鐘罷千門靜
旅館燈寒五夜沉
見說山房松竹美
擬將清夢到

雲林 朱有松茂山房

代送毛王亭廣文之袁州別駕

河橋杯酒重留連，纔聽驪歌意黯然。
經席正聞椎五鹿，講堂忽見誦三鱣。
佩刀凌雪高寒色，飛蓋臨風動遠天。
更向春臺遙極目，西南紫氣最堪憐。

其二

碧落高齋坐曉曛，絳帷羣少日相聞。
說詩今更逢匡鼎，問字人爭識子雲。
四牡忽嘶郊外影，雙

龍還動斗邊文共知別駕王祥似那有虔乃可
贈君

又代

雙鳥曾飛海國雲傳經何事到江濱居然投効
陶彭澤藉甚風流鄭廣文門下三鱣欣入夢江
干一雁怨離羣宜春臺畔花初發爭向朱幃媚
使君

服除謁先壠志感

流光駒隙忽心驚顧影庭闈淚更盈已負烏情

虛後死尚留鷄骨愧餘生殘魂幾逐寒雲斷華
髮猶縣落照明愁向南陽陌上望風前宰木盡
悲聲

冬日出郡城途中有述

至後陽回日轉新更憐官道不飛塵林烟曉色
看初白山鳥啼聲聽獨親裘馬不辭還作客關
河剩喜欲生春錦城元自吾家里況是逢迎有
主人

大愚山真如寺偕周守甫范仰齋賦寺故

呂子約先生謫居處

招提選聖法雲間吊古同遊過斷山古院尚留
居士鉢前朝肯賜逐臣環飛空有錫人誰識布
地無金草自閒何限登臨搖落意疎煙仍帶暮
鴉還

重過筠陽書院讀蘓文定同夢堂碑剝落
不可識鄒文莊羅文恭二記碑俱不存獨
院傍玄妙觀營建甚盛悵然有作

千載浮沉夢幾醒客來鳥雀散閒庭映堦草細

明倫彙編 家範典 卷之二
依依碧入座苔深泯泯青地古憑誰尋斷碣壁
空何處問藏經經隔垣鐘鼓連晨莫總向玄壇爲
乞靈

代壽諸卿廷尉

中林何事擁鳴珂通德里門客正過公壘久看
重槐棘閒情偏喜寄雲羅匡時自許丹心在憂
國寧辭白髮多漫向天南占氣色台星早已照
鑿坡

歲莫書懷

孤村曲逕自爲家，寒色空庭日易斜。
山閣天低來細雨，石林煙暝帶歸鴉。
可憐物化悲朋舊，太守時寧胡隱君望南俱物故不獨吾衰感歲華。
自是多情愁絕處，強憑尊酒送生涯。

聞鄧時寧太守訃志悼

尚憶當年把劍遊，同君幾度傲貂裘。
都亭惜別千行淚，岐路相思兩鬢秋。
鄰笛遽成他日恨，床琴空對此時愁。
東阡北陌尋常約，莫齒從今事已休。

吊鄧太守時寧歸途值雪

一帶寒山歛夕暉，朔風吹雪上征衣。
人家歷歷依烟樹，客路重重入翠微。
旂影乍翻疑鳥度，徑蹤未滅識樵歸。
饒他不盡王猷興，訪戴其如事已非。

乙卯元日試筆

山河淑氣轉樓臺，鐘鼓聲中曙色開。
千里風雲瞻北極，一時雨露遍南垓。
春回道上先催柳，香動林間併入梅。
莫遣壯心驚華髮，屠蘓更逐以。

年杯

入正之五日始有霽色登樓曉望巖巖盡
吐忽憶淵明斜川之遊遂有此作

宿霧連山乍欲收開軒遙喜睇層丘賦詩忽憶
千年事置酒誰從五日遊白石丹泉空寂寂野
梅岸柳自悠悠可憐解咏歸來句華髮泥塗未
肯休

人日

江湖與在路猶難坐對空林雨雪寒七日爲人

仍剪勝百年作客幾逢歡傷心愁見梅花發入
手休辭竹葉乾未暇登高尋故事南山佳色在
憑欄

立春

彤雲絳霧喜新晴已覺春光萬里生北闕朝簪
飄彩勝東郊御路轉霓旌平生遠跡慙供奉幾
度端居想聖明漫道村園希麗景寒銷水雪
早聞鶯

元夜值雨

尚憶豪遊此夜歡六街簫鼓動長安
人天花散三千界殿閣光流太乙壇
寶炬駕鰲金浪湧香塵逐馬玉珂寒
繁華易隔頭催白細雨青燈坐自看

春雪

春晴鞍馬正追歡風雨那堪釀薄寒
五夜朔聲來屋底六花曉色散林端
華筵曲奏朱絲瑟纖手觴傳白玉盤
此興從來今頓盡只宜高臥學袁安

送孫季屏國博北上

故人詞賦重文園此去傳經亦主恩
南斗寒星催把劍西山春雨待開尊
彩毫氣色高三殿絳帳風流動四門
獨惜悲歌岐路客一杯愁絕不堪論

春日偕宋直夫水部野行有贈

春風攜手故人情喜見田間事事清
黃犢晝眠林影靜白鷗新浴水紋輕
何當卜築期鄰舍悔不扶犁學耦耕
竹逕枳籬無盡興百年還得幾

閒行

正覺菴午憩

西來官道出楓林，那信幽居少足音。
春雨舊滋苔徑濕，法雲偏護石壇陰。
漫從堦櫺窺僧臘，但對瓶花淨客心。
總是風塵無着處，何煩布地有黃金。

正覺菴偕徐匡岳丈夜坐是日風濤大作
徐渡江來訪

淨土停輶對白雲，望來紫氣忽繽紛。
平生只恐

迷襄野今日真成御李君
江上風濤空欲舞
山中尊酒自爲羣
須知隱几忘言意
不獨論文向夜分

獨立

面面雲山列畫屏
柴門獨立醉初醒
渠通遠水含沙白
野入長林捲霧青
寒食風光多慘澹
故園春色欲飄零
由來村逕疎車馬
誰復尋花問草亭

望鷄籠山

誌云鷄籠山一名鳳凰山
山上多異草壁下有古壇
壇下有洞天

將雨雲霧出焉
又名天馬山

鷄籠山色滿眉間十里雲霄吐髻鬟
瑤草歲時應自長石壇風雨竟誰攀
路迴曲磴蒼烟合水落平田白鳥還
鄉國舊傳饒勝蹟登臨長負豔毛斑

青蓮寺在鷄籠嶺盡處

天馬浮空入翠微
巖石色帶禪扉潭幽長抱
玉龍睡嶂疊爭催
鐵鳳飛劍氣似隨孤客遠鐘
聲忽報一僧歸
猶餘薄莫驅車興前路晴嵐正

染衣

追和蘓文定公東軒韻

東軒遺跡更誰尋
不見墻東桃李林
急難尚聞辭秩日
沉冥想見謫居心
馬遷況就藏山早
梅福寧嫌隱市深
千載清風宜薦藻
一瓢寒淥故來斟

追和文信公碧落堂韻

碧落堂開想破顏
憂時詞客未心閒
中原戰骨黃塵裏
南部烟花夕照間
空使舊題傳錦里
那

堪遺恨寄燕山君看昔日凝香處
菰竹叢深點點斑
堂後有菰竹亭

自散廬曉達城墻時將赴北

雨後山程石氣青驅車侵曉度郊壩
高城色動觚稜月遠水光搖碧落
星氣象敢云千綵筆壯心長擬托
青萍獨憐經術陳華髮遲莫何因
荅漢廷

舟中偕吳大學羽翰賦

此去扁舟興未窮故人尊酒况相同
帆檣岸繞

飛鴉外煙樹村廻夕照中鷗鷺寒聲來近渚斗
牛夜色動遙空獨憐意氣慙宗慤長嘯滄浪萬
里風

口號二首

世事侵尋如意少浮生荏苒遇時難天高道路
紅塵遠歲晚江湖白髮寒誰向斗間識龍氣休
教渭上老漁竿秋燈漠漠竭浮蟻起舞長歌清
夜闌

其二

角遲

輓周守甫先生

洞山春雨散花天尚憶孤亭共理玄我自無聞
成白首君能不染悟青蓮亦知水逝川如客那
識舟藏壑已遷縱是延陵還樹劍他年宿草自
芊芊

中秋對月時將有行役

風露驚分萬里秋高樓明月傍人流地連竿斗
寒相射天人江湖遠自浮笛裏梅花何處落樹

邊鳥鵲幾時休
開尊最是清光切
偏爲關山照
客愁

陳氏荷華山房詩稿卷之二十終